

Huliligati ligibugia CIADI

dumadei le lunbei labayahouniwa tuagu
ZEDE luma ligaburi lagonigiuniwa Huliligati.

HULILIGATI LIGIBUGIA CIADI. DUMA DEI LE LUNBEI LABAYAHOUNIWA TUAGU ZEDE LUMA LIGABURI LAGONIGIUNIWA HULILIGATI.

fulasu lani wadagumanu labu awanseruni (ZEDE) aba ladugunia lau saminou lun hayebi agarabahatiña kapa terenchana ya Huliligati lun ñenla awanseruni, ichigeina meregun hon gasensutiña tidan dugumedu, ebegihabu le lagubuahabei uruwei keisi lidan alidihani.

lumagiñe 2013, aniha fulasu le akutihouwati lubugun luagu lisuni lawaserun ubou luwougua. aba tariñagun Luba ludu wibalan lurudu le ichugubei lun fulasu lani wadagumanu labu awanseruni (ZEDE)



ligiati fulasu lani wadagumanu labu awanseruni (ZEDE), awanseruni Huliligati, aba tafidiun ludu la sigenei terenchana luagu Huliligati. aba hariñagu lagidunuwalan lurudu to lanifulasu lani wadagumanu labu awanseruni(ZEDE) farengualani dadu chunti tabu dugumedu terenchana afiyogutu luagu Huliligati ligiyati halugubei aba idemuei luma Huliligati luagu 10,700 miyonu igarigu, wurisiyu sensu le geregubei lun lafayouniwa.

aniha ludu lani sigenei le baruti dumadei lun uruwei lani Huliligati. guwelen mosu leregun lurudu terenchana labu trobuli lani sensu habu alidihatiña sasamu ubouwaguna. luaguti le halugudaguwa girigia houniwagua ¿ lidan 2020 dabei le lafiyogu uruwei, ha alidihabaña masaminoutiña luagu dumadei le lanugubei lun Huliligati? aniha lubei kateile boulumutiwa lun wasaminou luagu lebeha ladagun uruwei lun lasansihan lurudu le idehati agarabahatiña kapa terenchana keisi fulasu lani wadagumanu labu awanseruni (ZEDE) Awanseruni.

ahen mudi lurudu terenchana lumagiña Huliligati, wasufuiba sun luyeigu dumadei sensuauti labu idemuei anuguti lun awanseruni siñame laduguniwa. gamalumou huchugudalumutiwa lun gawaralan heihini amu agarabahatiña kapa terenchana Huliligatri keisi aba fulasu demedemeguti lun wadagumanu, anihati le lanuguba dumadei wuibatimati lun awanseruni labu lun ladeiruniwa fedeiti hama terenchana, gamalumou trobuli lani lurudu le lani fulasu lani wadagumanu labu awanseruni(ZEDE) Awanseruni labu Huliligati gawarati gatroblihama luma Meriga habu ondaruni gasensutiña terenchana.

Aniha dasi le hani agarabahatiña kekini labu ladisedaguduniwa Huliligati.

Kesi le tani fulasu lani wadagumanu labu awanseruni (ZEDE) arufudatumuti luagu megeiwala lasibihouniwa tigaburi lurudun houn agarabahatiña kapa terenchana ya Huliligati. Sudiniti to lame iseri daradu tounigurini layumahoun oudu, hatima binadu ebuna; sin wadisedaguduniña agarabahatiña kapa terenchana. lun ti le, mosu suruti lan ligaburi lafansehou lurudu Huliligati, mama lurudu terenchana.






Luruweite Huliligati lereguñein dumadei le lau uruwa budun sudiniti:

1. Le luruweite Huliligati lereguña ariageina fulasu lani wadagumanu labu awanseruni (ZEDE) bougudiñoun lan luwei lirudu Huliligati, ladugale añewerehatani ligaburi larihinuwa lurudu, habagari girigia labu lun lunigualan erei lani agabutihani. ligia lubeiti lagiduniwabei fulasu lani wadagumanu labu awanseruni (ZEDE) memegi megeiwatibuga lun lafansehouniwa ligaburi leibugu lurudu masuniti.
2. Lariñaga Huliligati ondouni la to alidihabanu lafansehouniwa trobuli terenchana mama lan luti hafansehani bugulama, laduga le ha agabahabaña kekini mousehamuti sun lilurudu Huliligati, lubagiye buga houdi tidou ondouni to alidihabanu lafansehouniwa trobuli terenchana (CIADI). uguñe weyu, lariñaga Huliligati mudi bei lan lau le hariñagubei ondouni to alidihabanu lafansehouniwa trobuli terenchana (CIADI), gamalumou aniha dasi le lawanseruña laduga afioguni le aduguwalibei.
3. Bugulama le, tigibugiñebai ondouni to alidihabanu lafansehouniwa trobuli terenchana (CIADI) huruti lidan ludu keisi lidan latouruniwa sensu lun Huliligati, laume saragu durumadei terenchana labume hamaagarabahatiña kapa terenchana.itame que lanuguni urtubey dasi le gawarabei ñen la demedemeguti lun afiñeni habame agarabahatiñu kekini tabu oundouni terenchana, labume lerengu lun hagagibudagu lubumen tobuli luduna amuñougu.

Dumadei lani lurudu lun Huliligati

- Huliligati lereguya aba kesi luagu 10,775 miyonu igarigulidagiñe oundaruni awanseruti tigibugiñe CIADI. aniha sun le laugie 30% lidagiñe irisini le ladugubei Huliligati lidan aban irumu (PIB) labu laugie 60% le laduweiha uruwei. lun wasugogudini lau fiadu lidabei 268,550.71 miyonu.
- Aniha lurudu le iñutimati luwei lisensu uruwei luba irumu le 2025, oudati aba weiti ubou lidagiñe sun lisensu Huliligati. larufuduña le houn sun girigia a alidihabani huliligati, mosu lan hañuru asaminaha luagu dumadei laganaguwa sensu labu lurudun lun Huliligati keisirugu lun lafansehouniwa lurudun houn agarabahatiñu sensu bougudi luwei huliligati.






Trobuli larigi lurudun

Ahen afeidira Huliligati tigibuiñe lurudun, gayarabei hengubei lame lun Huliligati lasansihani lurudun houn agarabahatiña kapa terenchana lida aba dan. gawarati lidan aban dan leresibirun Huliligati lurudu hamagiñe amu agarabahatiña Kapa ha gatrobilitiñu luagu tagiduniwa fulasu lani wadagumanu labu awanseruni (ZEDE). anihati katei le, arufudubani megeiwala larihinuwa lurudu houn ha agarabahabaña kapa, lume lareiduniwa ligaburi ibagari Huliligati.

Aweidihani labu dasi le lunbei lanugo fulasu lumagiñe Uruwei luba lariyahan lurudu lidan CIADI.

1. Lun lerewaguniwa lurudu Huliligati, mosu me haluahouniwa sasamugu lidan tatouruniwa lurudu terenchana labu le lanibei oudu lun hideha lidan lalidihouniwa lurudun tigibugiñe ondouni to alidihabanu lafasehouniwa trobuli terenchana (CIADI).
2. Lerewaguniwa, lauti anuha lan ondouni to alidihabanu lafasehouniwa trobuli terenchana (CIADI) mama yebe mosu tafansehani dumadei le, ladoga ha agarabahabaña kapa mouserun hamuti sun ligaburi lurudu Huliligati lubagiye houdi tidon lurudu terenchana..
3. Lariñawaguniwa tagidunuwalan fulasu lani wadagumanu labu awanseruni (ZEDE) buiti buga haduguni alidihatiñu lun hatonigiuni le habusourubei ubouwaguna luma tagufuliruniwa lurudun. Anuha ondouni to alidihabanu lafasehouniwa trobuli terenchana (CIADI) madagagudutumutu halurudun girigia, lebu bei ti, Huliligati mosu lichuguni lurudun houn girigia labu lun hachouni sume lurudun le lubei liyabi mosu lame laduguniwa luagu ligaburi ka oudu, hatima girigia ha binadu ebuna, labu haguñfulirun lau sun lurudun houn girigia.
4. Sudiniti layanuhouniwa luma amuyagueinougu ubou tabu terenchana lun hideraguni Huliligati tigibugiñe lurudun labu lidan damuriguou terenchana.
5. Lume laweidiunuwa dumadei tuteme, sudiniti tasibihouniwa lurudun to lani agarabahani to ñeinhoubon labu laduguniwa lurudun le heretimati hawagu agarabahatiña kapa terenchana.
6. Lun gufudarandehamani girigia habu amu ubouka la uwagu tagiduwa fulasu lani wadagumanu labu awanseruni (ZEDE), sudiniti laduguniwa oundaruni lun lafañehouniwa ñunsu arufudaheinei sun katei.



¿Gayarati san laganouni Huliligati dumadei le tani ZEDE Awanseruni tigibugiñe CIADI?

- Anirein aba kesi, ñein lubei hariña luruebunalun gayara lan ladouwaguniwa hau agarabahatiñs kapa terenchana, mosu hagunfulirun lau biama katei: a) Houdin lau lirudun Huliligati b) laduguniwa lau sun lubuidun afiñeni. Lidan ti tikesi Awanseruni labu Huliligati, magufuliuti lau biama katei le. Lurudu ebuna ariñagatiña mosu lan ludinuwa lau lurudun Huliligati giñe, lau sun mabuduniwa lan lida buruti. aniha kesi le taganaguañein aban kompani Fenix tiribeigibugu Uruwei Republica Checa
- Uwali idemuei lun Huliligati hamagiñe lumagiñe amu ubou habu girigia sasamu lun gawara lan tigriruni Awanseruni tadagaguduni kesi lani lurudu lume tafuridun lidagiñe daradu le tani CIADI. keisirugu hamuga luruweitegu Meriga habu ha alihatiñu luagu kapa ounahaña garada lani idehani. añarein giñe toubagiñe ONU ariñagutiñu aniha lan erenguni le haganaguwa agarabahatiñu kapa hama oudu ha agaderubani le geregubei wau labu halurudun girigia.

¿Gayarati san lafeidiruni huliligati kesi le tanina ZEDE?

- Keisirugu sasamu, buitimati herengun tida CIADI laduga le hagiya memegiña, Huliligati gayarati hagiya la abudahaña ha lubaña halidihani. bougudi tuwei CIADI, to Luban lurudu tugiaba abuduhei alidihati luwagu Huliligati. alugati Huliligati lasansiruniwa alidihati David Rivkin laduga le aba lan lageira tuma oundouni to adagagudubani kesi, ani ariñagatu luban lurudu uwa lan. saminagudati baidu tima lan lerenwagu turageigu CIADI labu lageira alidihati gawarati lasansihani saminou.
- Tidani CIADI biyamouguñen lurudu lun hafansehani hadumadei: ligaburi houserun agarabahatiñu labu daradu le lani Washington lidan irumu 1966. mabasegutiñu lau amuluyei lurudun.
- Kapitulu 10 tidagiñe CAFTA tariñaga sun lan dumadei le, gayaran ludin sungubei lidan CIADI, sin lasugurun tuweigiye lurudun lan oudu, kei laubei hariñagei lurudun Huliligati.
- Le arihibei le ligaburi tousiounuwa kompani, labu idaliña lan larenwehouniwa hasensu, mama danle alidihalani Huliligati sun le anugubei fulasu.
- ha meme ñaguatiñu ha ideragubanu Awanserunihiderahabagiñe tuma kompani to noruegas ha gadumadeibaña luma Huliligati tidan CIADI.




Asuni

1. Kesi le 10,700 miyonu igarigu weiti, louduña laugie luruwa lisensu Huliligati le ladugubei luwagu irumu. añein afeidira Huliligati, lereguba saragu yumurou lani gawanou labu dumadei lanina gudemei.
2. Aniha dasi keisirugu ZEDE, arufuduwati luagu mafurangu lan larihinuwa sun garada. arufudati le madugunuwa lan asibihani hulilitimati lubuga larihini añein buga gawara lan laduguniwa.
3. Dan le ladugunuwa lurudu houn girigia lidagiñe amu fulasu hagarabahani hasunsu, anirein dan masibihoutu lurudu bi le. Ha aburuhabani lurudu le gayarati hafidiyu katei bi lun hideraguniña agarabahatiñu sensu mama lun huliligati. uwati ariñaguti wuiba lan, itara liña lafeidun huliligati.
4. CIADI ayanuhouwati luagu hideraguniña agarabahatiñu, ani Huliligati, subusiñu hamei lidumadei, maluahouti amu luyei ligaburi buti mati ligaburi lafansehou dumadei.
5. Aniha kesi le arufudati Huliligati siñati lan hafansehani katei lau lirusu hama agarabahatiñu terenohana.
6. uwati kastigu furanguti houn alidihatiñu ha adagubaña daradu ha añewehabani huliligati.

Saminou tani Awanseruni

1. Torre Duna aba tagutu muna himetu tani Awanseruni laugie katosu pisu, iñu sugu lau le gawarabei lafansehouniwa laduguniwa Rubanda.
2. Tibe agia aluguagulei ousetiña Bitcoin aba sensu ouseruwati lun lageñehouniwa labu lun lalugurahoniwa tida internedi. mama aba sensu eihuwati keisi le wouserubei, gamalumoun hereguti leibuguniwa larigi ni uruwei ni Banku.
3. anurei aba dugumedu 4202 tibana burulu liña tidan ida lubalan awiwanduni labu ayabuhani tida ZEDE Awanseruni, mosu lafiyowaguniwa hawagu girigia ha lubaña hawadugumeidun.
4. Laduguña afurederuni lau arani le uwagilibei lurudu luagu tumagiñe FDA Merigana, FDA aba oudaruni to arigibani sun lubuguna arani lun tariñagun buidulan lumon wibalan.
5. Lidani lidani abuduhani, ha guyana erederubaña nei abuduhabaña segun libe hamuwan.
6. Awanseruni gamuwatu Rubadan, Pristene Bay labu Gumaga, gamalumon mama uwayanu
7. Roxana Baldetti, Uruweiha lani Wadimalu anuri furisurugu luagu iwouni, amway aba tagutu tuban tidan ZEDE Awanseruni.





FOSDEH

Foro Social de Deuda Externa y Desarrollo de Honduras